

նէր և գտունս զամենայն Տաճկաց ի խառնա կապէր(*). բայց ամենայն արք տեղոյն ի մի վայր հաւաքեալ ելին ի յօտին թէ Ոչ թողումք քեզ զայս առնել, քանզի ոչ երբեք եղեալ է այսպիսի ինչ զոր դուդ առնես: Զայս ասացեալ երես առ երես առ վէզիրն, և նա դարձեալ յարկս իւր բարկութեամբ մեծաւ:

Եւ օրս եկն սային Երուսաղէմայ հանդերձ թղթիւք ի Վարդապետէն (Եղիազար): Շաբաթ օրս Տեառնընդառաջին:

Եւ աւուրքս վէզիրն մարդ եդ ի Ղալաթիա թէֆթիչ առնել՝ թէ ո՞րք կան էջիսիա կամ հաշարի ի սպահոցն կամ յէնկիւէրոցն. ստիւ բան ինչ պատճառելով և բերէին զնոսա առ թէֆթիչ առնողն հանդերձ իւրեանց իմամով և մէզլինով, և գտուն ևս գրէին թէ ունէին, և վկայս կացուցանէին՝ թէ Խնչպէս զիտես զսա, և նոքա զյուսն իւրեանց ի վեր առնէին անլուռ, իբր թէ Զգիտեմ, և նոքա վերացուցանէին զնոսա և տանէին առ վէզիրն, և նա զոմանս ի ծով արկանէր ի գիշերին և զոմանս ի նաւս պատերազմին զնէր:

Այս եղև մինչև Բշիս. և յազգմանէ Աստուծոյ անցեալ լինի թագաւորն ի սահմանացն այնմ, և արք երևելիք միախորհուրդ լեալ՝ տան արզուհալ թագաւորին մեծ աղաղակաւ՝ պատմեալ զիրոսն ամենայն թէ Սուտ ինչ պատճառաւ զբազումս ծովահեղձ¹⁾ արար և զբազումս ի նաւսն եդ պատերազմի և զեռ ևս գործէ զայս. ճար ի քենէ և ոչ ումեքէ: Եւ թագաւորն մեծաւ սաստիւ հրամայէ²⁾ զայն վերացնել և թէֆթիչ առնողսն հալածել. մաղապուրծ փախուցեալք

1) Ծվհղց.

2) հրմէ.

(*) Լուս. Եթէ զայն ի գլուխ հանցէ՝ յայս կողմս ևս անցանելոց է և զնոյն առնիցէ ամենայն սեռի: